

太平天国資料匯編



太平天国歷史博物館編

太平天国資料匯編 第二冊上

中華書局

太平天国资料汇编

(第二册上、下册)

太平天国历史博物馆编

中 华 书 局 出 版

(北京王府井大街36号)

新华书店北京发行所发行

四川新华印刷厂印刷

850×1168 毫米 1/32 31¹/₈印张 710 千字

1979年11月第1版 1979年11月成都第1次印刷

印数: 0,001—12,600 册

统一书号: 11018·784 定价: 3.45 元

中
興
別
記

李
濱
譔

《中興別記》六十一卷，清上元李濱撰。此據宣統三年鉛印本排印。據作者自序，採錄官私材料約二百餘種，用編年體，起道光十六年三月，訖同治三年九月，記太平天國史事較為完備。目錄原在俞樾書信後，現據此次排印分冊情況分別改排在每冊的內封頁後。

古餘仁兄公祖閣下：未接芝儀，欣通蘭訊，並賜讀大著，其中與別記，似長編體例，采輯繁富，敘次詳明，洵足以昭得失之林，爲後事之鑒。其茶讌禮，竟如讀儀禮一篇，所附諸考，又如讀考工記，此等文章，漢以後無人能到也。弟年衰學退，事冗心粗，謬竊虛名，豪無實際，不足副下問之懷，有望洋向若而已。手肅，敬請升安。

治愚弟俞樾頓首

古餘仁兄公祖閣下：覆讀大著，文繁事賅，具見蒐羅之富，編纂之精，真近代一大著作，必傳無疑。弟於此素未留心，竟無從贊一詞，偶籤出二、三十條，不過校核於字句之間，於全書無足輕重也，聊副來意，即繳還鄰架。手肅，敬請升安。

治愚弟俞樾頓首

太平天国資料匯編第二冊上目錄

總類 專著 記事

中興別記目錄

上元李濱古餘譚

卷一	起道光十六年丙申三月訖道光三十年庚戌十二月凡十五年	一
卷二	起咸豐元年辛亥正月訖九月并閏凡十月	一九
卷三	起咸豐元年十月訖二年壬子六月	三五
卷四	起咸豐二年七月訖十一月凡五月	五三
卷五	起咸豐二年十二月訖三年癸丑正月	六六
卷六	咸豐三年二月	八三
卷七	起咸豐三年三月訖四月凡二月	一〇三
卷八	起咸豐三年五月訖七月凡三月	一一八
卷九	起咸豐三年八月訖九月凡二月	一三九
卷十	起咸豐三年十月訖十一月凡二月	一六〇
卷十一	起咸豐三年十二月訖四年甲寅正月	一八〇
卷十二	咸豐四年二月	二〇〇
卷十三	起咸豐四年三月訖四月凡二月	二二四

卷十四	起咸豐四年五月訖六月凡二月	二三三
卷十五	起咸豐四年七月訖閏七月凡二月	二四九
卷十六	起咸豐四年八月訖九月凡二月	二六六
卷十七	起咸豐四年十月訖十一月凡二月	二八一
卷十八	起咸豐四年十二月訖五年乙卯正月	二九六
卷十九	咸豐五年二月	三一二
卷二十	起咸豐五年三月訖四月凡二月	三二八
卷二十一	起咸豐五年五月訖六月凡二月	三四二
卷二十二	起咸豐五年七月訖八月凡二月	三五七
卷二十三	起咸豐五年九月訖十月凡二月	三七〇
卷二十四	起咸豐五年十一月訖十二月凡二月	三八四
卷二十五	起咸豐六年丙辰正月訖二月凡二月	四〇〇
卷二十六	起咸豐六年三月訖四月凡二月	四一七
卷二十七	咸豐六年五月	四三八
卷二十八	起咸豐六年六月訖七月凡二月	四四九
卷二十九	起咸豐六年八月訖九月凡二月	四六三
卷三十	起咸豐六年十月訖十一月凡二月	四七八

太平天国資料匯編第二冊下目錄

總類 專著 記事

中興別記目錄.....上元李濱古餘譔

卷三十一 起咸豐六年十二月訖七年丁巳正月.....四九七

卷三十二 起咸豐七年二月訖三月凡二月.....五一三

卷三十三 起咸豐七年四月訖五月凡二月.....五二七

卷三十四 起咸豐七年閏五月訖六月凡二月.....五四五

卷三十五 起咸豐七年七月訖九月凡三月.....五五七

卷三十六 起咸豐七年十月訖十二月凡三月.....五七九

卷三十七 起咸豐八年戊午正月訖三月凡三月.....五九五

卷三十八 起咸豐八年四月.....六一四

卷三十九 起咸豐八年五月訖六月凡二月.....六二六

卷四十 起咸豐八年七月訖八月凡二月.....六三八

卷四十一 起咸豐八年九月訖十月凡二月.....六五一

卷四十二	起咸豐八年十一月訖咸豐九年己未二月	六七〇
卷四十三	起咸豐九年三月訖五月凡三月	六八八
卷四十四	起咸豐九年六月訖九月凡四月	七〇三
卷四十五	起咸豐九年十月訖十二月凡三月	七一八
卷四十六	起咸豐十年庚申正月訖三月凡三月	七二九
卷四十七	起咸豐十年閏三月訖四月凡二月	七四四
卷四十八	起咸豐十年五月訖六月凡二月	七六一
卷四十九	起咸豐十年七月訖九月凡三月	七七四
卷五十	起咸豐十年十月訖十一年辛酉二月	七九一
卷五十一	起咸豐十一年三月訖六月凡四月	八〇八
卷五十二	起咸豐十一年七月訖十月凡四月	八二五
卷五十三	起咸豐十一年十一月訖十二月凡二月	八四三
卷五十四	起同治元年壬戌正月訖二月凡二月	八六〇
卷五十五	起同治元年三月訖四月凡二月	八七一
卷五十六	起同治元年五月訖七月凡三月	八八三
卷五十七	起同治元年八月訖十二月并閏凡六月	八九二
卷五十八	起同治二年癸亥正月訖三月凡三月	九〇九

卷五十九	起同治二年四月訖九月凡六月	九三五
卷六十	起同治二年十月訖同治三年甲子二月	九三九
卷六十一	起同治三年三月訖九月凡七月	九五四
卷末 自敘		九七〇

中興別記卷一

上元李濱古餘譔

道光十有六年

春三月，癸巳，宣宗申諭：各直省稽查會匪，毋得諱匿及藉端需索。是時兩廣總督鄧廷楨、廣東巡撫祁墳、廣西巡撫惠吉。上帝教匪首洪秀全傳教於桂平、武宣交界鵬化山，巨目楊秀清、馮雲山、蕭朝貴、韋昌輝、石達開、秦日昌六人佐之招誘。洪逆，其先廣東廣州花縣祿埗山人，徙居廣西桂平大黃江思旺墟。父國游、母李四妹，皆早死。秀全兄弟三人，最少，長仁發，次仁達，異母產。家業農，秀全棄而讀，爲人面頰高額，頭少髮，體肥碩，性狡黠無賴，嗜飲博。廣西故多會匪，秀全以爲無足惑人，乃之廣東澳門，得外洋耶穌教書，歸詭言己爲天父耶火華次子生世，以耶穌爲天兄。謂天下當大亂，惟七日一禮拜上帝，得免劫難。斂香燭貲，人歲納銀五兩，煽惑鄉愚，召納奸宄。凡人教者，不祀祖宗廟神，無人倫之敘，男皆稱兄弟，女皆稱姊妹。不遵正朔，造僞曆書，單月三十日，雙月三十一日，立春、清明、芒種、立秋、寒露、大雪俱十六日，餘俱十五日，號爲天父排定。禮拜日率衆跪誦。所爲贊美經云：贊美聖神風爲聖靈，贊美三位爲合一真神。真道豈與世道相同，能救神靈，相臨無窮，智者躍踴，接之爲福，愚者省悟，天堂路通。天父鴻恩，廣大無邊，不惜太子，遣降凡間，留民代贖，吾儕罪孽，人知悔過，魂得昇天。其詞極鄙悖，且隨時更易，有新舊贊美之名。秀清原名嗣龍，其先湖南耒陽人，父大朋，以罪流廣東嘉應，至秀清轉徙廣西桂平，種山燒炭。身中，面瘦微髭，性奸譎，以洪逆託諸天父天兄，輒自作巫，詭

稱天父降附其身，誦發人之陰私，杖責之。且令洪逆前跪，數其過授杖，或暴已過，顛仆令人撻之。於是教黨詫爲神奇，益懾服，洪逆遂倚重之過於他酋。雲山名渙，以字行，與洪逆同里，知文義，爲邕塾師，教中散劫真言歸元寶誥諸邪說，半出其手。朝貴，武宣大黃江新墟人，貌惡性悍，且多力，耕牛脫紉逸畔，追握其尾，牛從之倒行，洪逆妻以妹宣嬌。昌輝原名正，桂平金田邨人，家饒田產，納粟爲國學生。體短婢，面白高額，疎鬚眉，性陰柔險惡，以貨人教。父元玠，兄賓、弟俊，塾師黃啓芳、篋帳羅苾芬，其鄰曾錦譙皆入教黨。洪逆屬啓芳、苾芬司筆札。啓芳，鬱林博白人，體碩性暴。苾芬，嘉應人，私販鴉片於潯、梧間，事覺，亡命桂平，韋逆納之。達開，廣東和平人，徙桂平白沙，或曰居貴縣。體碩面黑高額，微髭稠髮，目光兇射，富而好勇，蓄養武士。兄祥貞，族兄鳳魁皆以貨人教，妻黃，教黨玉崑女也。玉崑與洪逆爲中表。有閩商過境，聞達開名，乞選徒衛之，盜偵知之，率百人來石家，達開關門召人曰：商持金乞衛，吾卻其餽而許之，今壯士來，吾當厚遺，請姑免商，可乎？盜義之。再讓，受其半而去。後生辰治具歡賓，盜亦往爲壽，仇家發其事，官捕達開繫之，教黨賄謀釋之。玉崑，籐縣人，或曰桂平大黃江人。識字，結吏役攬訟事，魚肉鄉里。日昌原名日剛，桂平白沙人，或曰貴縣人。充縣署民壯，以事斥革，入教。

夏四月，癸亥，召惠吉來京，以直隸布政使梁章鉅爲廣西巡撫。

六月，癸丑，上以各省將弁好尚文藝，懈惰操練，諭督撫訓誡大小營員，肅除舊習，實力校閱，不悛改者，指名參奏。

道光十有七年

是年，上帝教匪洪秀全年二十有七，自潯州應童子試，被黜。歸病，數日不食飲，忽蹶然起，自云與上帝飲博甚樂，助之兵，與閩浮提王戰，大勝。聞者盡駭，謂秀全果天授也。

道光十有八年

春二月，乙巳，調祁墳爲刑部尚書，以江蘇布政使怡良爲廣東巡撫。是年，廣東、廣西盜會諸匪漸起，上帝教匪洪秀全託演卜，往來兩省，轉相勾結。

道光十有九年

冬十月，丙寅，上命各省學政恭刊聖諭廣訓，頒行各學生童。壬辰，頒欽定黜異端以崇正學四言韻文。

十二月，癸亥，朔。調鄧廷楨爲閩浙總督，以欽差大臣湖廣總督林則徐爲兩廣總督。

道光二十年

秋九月，林則徐以事革職，遣戍伊犁，以大學士琦善署理兩廣總督。先是，則徐焚禁鴉片，停英咭喇互市，英夷以兵船犯廣東海口，擊敗之，改犯浙海寧波等處。樞臣疆吏訾議啓海釁，則徐拜疏請治罪，於是撫議起，則徐獲革戍之罪。粵民謠曰：百姓怕官，官怕外夷。撫議既定，粵民積不能平，以夷人要求入城，謀起而拒之，大府亟榜示慰民，又從而謝止之。又謠曰：官怕外夷，外夷怕百姓。論者以爲能怕其官之所怕，則民浸浸乎玩官於股掌，外患弭而內患作，恐不遠矣。

道光二十有一年

春二月，琦善以事革職逮問，以刑部尚書祁墳爲兩廣總督。

三月，丁卯，調梁章鉅爲江蘇巡撫，以刑部右侍郎周之琦爲廣西巡撫。

秋八月，丁酉，命怡良赴福建查辦事件，以廣東布政使梁寶常署巡撫。是年，廣東、廣西盜會諸匪日甚，越南貢使船次桂平，東匪掠於石嘴河，竄貴縣。代理知縣聞寶桂率兵勇勦捕，獲匪首楊亞丙等於石龍墟，解省正法。

道光二十有二年

春正月，丙辰，調怡良爲閩浙總督，實授梁寶常廣東巡撫。

冬十二月，己亥，調梁寶常爲山東巡撫，以江蘇巡撫程喬采爲廣東巡撫。是年，上帝教匪洪秀全以英夷要撫後，益窺營務廢弛，陰以兵法部勒教衆，倚楊秀清爲統轄。洪逆自傳教以來，人皆稱爲洪先生，地方有司聞之，不之禁，方謂是教而未爲匪也。

道光二十有三年

是年，廣西潯、梧間盜會諸匪益肆，各屬團練守禦。上帝教匪洪秀全等蓄謀觀釁，獨不欲早發。其黨頗衆，一時與團練并稱曰團黨、教黨，而有司若無聞也。

道光二十有四年

春二月，戊戌，朔。祁墳以病免，以欽差大臣兩江總督耆英爲兩廣總督。是年，上帝教目馮雲山傳教於潯州紫荆山，主中表盧六家。廣州一帶匪衆焚掠無忌。

道光二十有五年

春正月，庚子，調程喬采爲漕運總督，以廣東布政使黃恩彤爲巡撫。

六月，京朝官奏廣州府屬盜匪日滋。戊午，諭耆英、黃恩彤督飭所屬緝捕，寬籌經費，嚴定章程。是年，上帝教匪洪秀全主籐縣中表黃玉崑家，適其鄰首玉崑教黨，逮繫於縣，秀全爲之賄釋。一日，秀全至紫荆山西北象州，州官爲廟神製袍，方禮獻，秀全率教黨褫裂之，壞神偶，題詩於壁，觀者如堵，州官不敢與較。

道光二十有六年

春，廣西盜匪掠橫州北流等處，臨桂縣知縣王淑元偵有妖巫惑衆，密陳巡撫，謂速發禍小，請急治之，周之琦難之。

冬十月，丙申，周之琦病免，以福建布政使徐繼畬爲廣西巡撫。辛巳，諭耆英飭督糧道黃宗漢會布政、按察兩司各巡道議辦保甲，以清盜源，各屬水陸交界增設巡船。

十二月，癸丑，黃恩彤以事革職，調江寧布政使徐廣縉爲廣東巡撫。丙子，調鄭祖琛爲廣西巡撫，徐繼畬爲福建巡撫。祖琛，字夢白，浙江湖州人。喜談時藝，闇於吏治軍政。時有小人，語以盜會諸匪當謀解散，勿輕以兵事勞宸慮。祖琛惑之，且溺佛，以殺人爲不慈，於是文武益承指塗飾。廣東欽州匪首秦興晚，卽沈香晚，託賣藥至廣西賓州，勾結莠民。

道光二十有七年

春，廣西匪焚掠平樂、陽朔。

冬十月，戊申，御史張寶璿奏各省州縣吏役縱匪殃民，請飭查懲辦。諭各督撫嚴定緝捕章程，以除莠安良爲心，毋得藉口積重難返，畏難苟安。己酉，諭京師及各省編查保甲。辛巳，諭鄭祖琛會湖南

軍勦匪雷再浩、李輝於新寧、全州交界，廣西軍敗匪雷再浩於全州咸水口。是冬，上帝教匪目楊秀清謀襲掠桂林，臨桂縣知縣王淑元獲匪諜李嘉瑞，事洩，請兵出縛匪黨多人。巡撫鄭祖琛不欲究叛，懼窮治激變，飭以盜具獄，斬嘉瑞等數人，餘悉釋之。先是，淑元嚴保甲，李嘉瑞以形迹異逮鞫，承盜不承叛。有他犯洩其謀者，且詳言屯伏近郊。淑元急白巡撫，祖琛疑不實，力爭，始許以兵出捕，既獲多名，而祖琛卒堅持論盜不論叛。廣西軍敗湖南道州匪於灌陽，湖南軍捕誅匪首雷再浩，而道州匪黨猶衆，鄭祖琛奉旨遣軍防堵邊隘。

十二月，甲戌，召耆英來京，以徐廣縉署兩廣總督，布政使葉名琛護理巡撫。是月，桂平生員王作新等首上帝教匪曾玉珍、馮雲山於縣署，知縣王烈批辭左之。雲山赴訴，拜上帝無罪，請究誣控。作新等狀云：爲結盟藉拜上帝妖書，踐踏社稷神明，乞恩嚴拏究辦。緣曾玉珍窩接妖匪，至家教習，業經兩載，迷惑鄉民，結盟聚會，約有數千人。要從西番舊遺詔書，不從清朝法律，膽敢將左右兩水社稷神明踐踏，香鑪破碎。生等聞此異事，邀集鄉民耆老，四處觀查，委實不差。至十一月二十一日，齊集鄉民，捉獲妖匪馮雲山，同至廟中，交保正曾祖光領下解官。詎料妖匪黨曾亞孫、盧六等搶去，冤屈無伸，只得聯名稟叩。伏乞嚴拏正辦，俾神明洩憤，士民安居，則沾恩無既。烈批辭云：閱呈殊屬昏謬，該生等身列膠庠，應知條教，如果事有實蹟，則當密爲呈稟，何得輒以踐踏社壇之故，捏飾大題架控，是否挾嫌滋累，亟應澈底根究。候卽嚴提兩造人証，質訊確情辦理，以遏刁風而肅功令。雲山訴呈云：爲遵旨敬天，不犯不法，乞究索詐誣控事。中有云：一切上帝當拜，古今大典，觀廣東禮拜堂懸挂兩廣大憲奏章，并皇上御批移文可查。教人敬天，不意被人誣控。又援詩書稱上帝者二十餘條，以證無罪。